

Tiga keldai akaun didenda maksimum

ADVERTISEMENT

2023-01-05T13:22:14+08:00



MIRI: Tiga keldai akaun termasuk dua wanita masing-masing didenda RM500 atau sebulan penjara oleh Mahkamah Majistret atas kesalahan memiliki wang secara tidak sah.

Sabri Baba, 46, dari Melaka, Nellina Anuar, 43, dari Cheras, Selangor dan Siti Zulaikhah Mohammad, 44, dari Jalan Tuaran, Sabah, telah didakwa mengikut Seksyen 37 (1) Ordinan Kesalahan-Kesalahan Kecil 1958 (Sarawak).

Mengikut kesalahan ini, mereka boleh dikenakan hukuman penjara sehingga tiga bulan dan denda sehingga RM500, jika sabit kesalahan.

Menurut keterangan kes, ketiga-tiga tertuduh didapati telah memiliki wang masing-masing berjumlah RM860, RM3,500 dan RM2,796 yang diperolehi secara tidak sah.

Sabri, Nellina dan Siti didakwa melakukan kesalahan itu masing-masing antara jam 1.43 petang hingga 7.51 malam pada 11 dan 12 November 2019 di sebuah dermaga di Lorong 5 Krokop; antara jam 12 tengah hari sehingga 4.03 petang pada 12 dan 13 Oktober 2019 di sebuah bank di Tudan serta pada jam 11.37 pagi, 24 Ogos 2021 di sebuah lot di Ocean Park di sini.

Pertuduhan kes telah dibacakan secara berasingan kepada ketiga-tiga tertuduh.

Pendakwaan dilakukan Inspektor Mudzilawati Abdul Rahman di hadapan Majistret Nazira Adlin Ahmad Khairul Razi.